

non est, nequaquam haberi potest: patet autem, quod actus ipse, antequam exerceatur, aut etiam dum exerceatur, aut postquam perfectus est, in rerum natura non est; ex quo sequitur, quod haberi minime potest: licet enim & ante actum ipsum quis facultatem illam habeat exercendi, per hoc ramen actus ipse in rerum natura, nisi in potentia, non existit: cum autem actus est in fieri, nec adhuc quod ipse actus in rerum natura sit, potest dici, licet pro eo quod sit in fieri, dici possit: quod enim de actu, qui est in fieri, praeterit, vel futurum est, jam non est in rerum natura, sed in memoria, vel apprehensione tantum est: quare, nisi prout in memoria vel apprehensione tantum est, haberi nequaquam potest. Quod autem in praesenti sit, momentaneum, vel instantaneum est, quod utique magis intellectu, quam sensu percipi potest: unde nec potest haberi pro tunc, nisi pro momento illo seu instanti, in quo cum sit, potest dici actum post actum completum: licet si ex facto ipso producata res aliqua fuerit, res ipsa aliqua facta haberi valeat, factum tamen ipsum, quod jam transit, nisi in memoria (prout supra dictum est) non habetur. Præterea si simplex usus absque jure utendi haberi possit ab aliquo, constat, quod non iustus esset actus utendi hujusmodi reputandus: cum ille usus fuerit, cui jus non competit utendi: talis autem usus non justus ad perfectionis statutum nequaquam pertinet, nec perfectioni aliquid adjicit, sed sibi repugnare potius ac detrahere noscitur manifeste. Quod autem usum non iustum conditor canonis fratribus ipsis intellexerit reservare, nequaquam debet aliquis sapiens estimare: imo quod de justo intellexerit, ex eo potest evidenter apparere, quod in eadem ordinatione curavit adiudicere, quod iflarum rerum duxtaxat in se, & Ecclesiam Romanam recipiebat dominum, quorum usum facti licet habere fratribus, seu ordini antedictis, subiungens nihilominus, quod non rerum omnium usum habere debeant frates ipsi: quantum autem ad usum facti simplicem ab illius omni iure utendi attinet nulla rerum quoad fratres differentia est censenda: sic enim uti de facto possunt prohibitis, ut permisiss: quare praemissa rerum distinctione ad illum usum facti potius est referenda, pro quo ipsis competit fratribus jus utendi: quarundam enim rerum usus fratribus ipsis prohibitus noscitur, & quarundam permisiss: ex quo sequitur, quod usus facti, de quo ordinatio loquitur, de tali intelligi debeat, qui iustus sit, id est, pro quo competit jus utendi: & hoc conditor ipse canonis exprimit evidenter, cum in eadem ordinatione adiudicerit, quod moderatus usus in expressis prius rebus ipsis fratribus est concessus. Præterea si in rebus consumptibilibus possit usus constitui, vel haberi, nequaquam simplex, nec a rei substantia, proprietate, seu dominio separatus usus hujusmodi posset dici, cum per talem usum, id est, utendū actum, & in ipso actu, & cum ipso actu res consumatur hujusmodi, ac in ipsis rei exerceatur substantia, nec sine rei ipsis consumptione esse valeat usus talis: ex quo patet, quod usus talis nec simplex, nec separatus a dominio potest dici. Rursum & nedum fratribus ipsis ordinatio predicta non profuit, sed etiam occasionaliter honori sacrofæcunda Romanæ Ecclesiae non leviter detrahit, & detrahit. Nunquid non præfata Ecclesia derogatur honori, si ipsam oporteat nunc in foro Ecclesiastico, nunc in seculari, interdum quoque coram pedaneis Judicibus, & plerunque pro rebus parvis, & vilibus continue litigare? Hoc autem notum est fieri, cum occasione retentionis dicti dominii omnes causæ occurrentes agendo, vel defendendo pro bonis hujusmodi nomine Romanæ Ecclesiae, virtute cujusdam privilegii,

^a Vide Bart. lib. 2. minori c. 8. dist. discentem constitutionem Martini non prorsus correctam. adde Baldum relatum per Pet. de Ancher. in Dlem. exiui.

continget, quisquam nominetur a quoquam, seu constituantur amodo nomine sanctæ Romanae Ecclesie procurator: nec occasione cuiusvis privilegii quicunque administracionem quorūcumque bonorum, quæ obvenire fratribus ipsis, vel ordini contingat in posterum, in judicio, vel extra, agendo, vel defendendo, supplicando, vel alias quomodolibet assumere, vel exercere dictæ Ecclesie nomine audiat, nisi de sedis Apostolicæ licentia speciali: decernentes irritum, & inane, si secus a quoquam in posterum contigerit attentari: non obstantibus quibuscunque privilegiis a Martino Papa prædicto, vel aliis prædecessoribus nostris ipsis fratribus, vel ordini sub quacunque forma, vel expressione verborum concessis. Per hoc autem dicti ordinis regula in aliquo non intendimus derogare, nec privilegiis fratribus ipsis, seu eorum ordini ab Apostolica sede concessis (nisi duntaxat quod præmissa, & ista tangentia) præjudicium aliquod generare. Nulli ergo hominum liceat hanc paginam nostræ sanctionis, inhibitionis, constitutionis, & intentionis infringere, vel ei auctu temerario contraire. Si quis autem hoc attentare presumperit &c. Datum Avenion. 6. Idus Decemb. Pontificatus nostri Anno 7.

C A P. IV.

Opinio, que afferit Christum, & ejus discipulos nihil habuisse, & in his, quæ habuerunt, nullum jus eis fuisse, erroris est, & heretica. Hec Extravagans est valde notabilis, & glossas habet profundas, que sunt ex sacre Scriptura fontibus basi. Si diligenter Extravagantem præcedentem, & sequentem inspexeris, locum hunc aptum fuisse assignatum mea opinione dixeris.

Cum & inter nonnullos viros scholasticos sepe contingat in dubium revocari, utrum pertinaciter affirmare Redemptorem nostrum, ac Dominum Iesum Christum, ejusque Apostolos in speciali non habuisse aliqua, nec in communis etiam, hereticum sit censendum, diversa, & adversa etiam sententibus circa illud: Nos huic concertationi finem imponere cupientes, assertionem hujusmodi pertinacem, cum Scriptura sacra, quæ in plerisque locis ipsis nonnulla habuisse afferit, contradicat expresse, ipsamque Scripturam sacram, per quam utique fidei orthodoxyæ probantur articuli, quoad præmissa fermentum aperte supponat continentia mendacii, ac per consequens quantum in ea est, ejus in totum fidem evanescens, fidem catholicam reddit, ejus probationem adimens, dubiam, & incertam, deinceps errorem fore censendam, & hereticam de fratribus nostrorum consilio hoc perpetuo declaramus edicto. Rursus in posterum pertinaciter affirmare, quod Redemptori nostro prædicto, ejusque Apostolos iis, quæ ipsis habuisse Scriptura sacra testatur, nequaquam jus ipsis utendi competit, nec illa vendendi, seu donandi jus habuerint, aut ex ipsis alia acquirendi, quæ tamen ipsis de præmissis fecisse Scriptura sacra testatur, seu ipsis potuisse facere supponit expresse, cum talis assertio istorum usum, & gesta evidenter includat, in præmissis non iusta, quod utique de usu, gestis, seu factis Redemptoris nostri Dei filii sentire nefas est, facræ Scripturæ contrarium, & doctrinæ catholicæ inimicum: assertionem ipsam pertinacem de fratribus nostrorum consilio deinceps errorem fore censendam merito, ac hereticam declaramus. Nulli ergo omnino hominum liceat hanc paginam nostrarum declarationum infringere, vel auctu ei temerario contraire. Si quis autem &c. Datum Avenion. 2. Idus Novemb. Anno 7.

C A P. V.

Reprobatur opinio illorum detractorum, qui præsumunt impugnare constitutiones Jozn. XXII. Ad conditorem canonum

^b a Vide B. Ant. p. 3. tit. 12. c. 4. §. 23. & Turrecrem. in summa de Eccl. 1. 2. c. 152. ad 10. argum.

spiritualem nequaquam esse scientiam, sed ligandi atque solvendi potestatem, patet assertores praedictos ponendo esse scientiam, erravisse: pro quibus facit clavis definitio, quæ a Doctoribus datur: Clavis est specialis potestas ligandi atque solvendi, qua Judex Ecclesiasticus dignos recipere, & indignos excludere debet a regno. Item quia claves, de quibus agimus, in collatione Sacerdotalis ordinis conferuntur: constat autem, quod ordinato in Sacerdotem scientia communiter non confertur: quare secundum illos videtur, quod scientia non est clavis, sed potentia tantum ligandi atque solvendi debeat dici clavis. Adhuc secundum illos, qui ponunt unam clavem spiritualem esse scientiam, & secundum illos, qui auctoritatem discernendi inter lepram & lepram esse afferunt clavem, & aliam potestatem ligandi atque solvendi, noscuntur evidenter errasse. Supponunt enim per claves hujusmodi circa ea, quæ fidei sunt, & alia, posse per constitutionem aliquam definiri: claves autem, quæ in Sacerdotali conferuntur ordine, ad talia minime se extendunt: alias sequentur quod circa præmissa possint constitutiones Sacerdotes simplices facere, quod falsum est evidenter. Si autem intendant claves istas extendere ad generalem potestatem attributam beato Petro, suisque successoribus in personam ejusdem in commissione officii pastoralis, per quam utique videtur evidenter ipsis omnia concessisse, sine quibus pastorum universalis convenienter cura nequit seu officium expediri: adhuc claret ipsos etiam errasse: dicunt enim alium effectum habere illa, quæ per clavem scientia, & alium illa, quæ per clavem potentia statuuntur, supponentes alia per clavem scientia, & alia per clavem potentia statui, seu etiam definiri, quod evidenter est falsum: per clavem enim scientia, sive per auctoritatem discernendi, seu cognoscendi inter lepram & lepram (si ipsam dixerimus esse clavem) nil aliud per ipsum illi, cui datur, tribuitur, nisi auctoritas cognoscendi. Ei autem, cui datur auctoritas de re aliqua cognoscendi, de illa definiendi non intelligitur esse data. Quare restat, quod ad convenienter statuendum, seu aliquid definiendum, utraque clavis, scilicet cognoscendi, & definiendi necessario requiratur: vel quod soli clavi potentia statuere competit, & etiam definire: sed sicut lumen materiale clavigerum in usum clavis materialis dirigit, & quasi quantum ad hoc obtineat scientia vicem lucis. Et hoc Salvator noster in promissione clavium facta beato Petro sensisse videtur expresse, cum post illam immediate subjunxit: & quodcumque ligaveris super terram, erit ligatum & in celis: & quodcumque solveris super terram, erit solutum & in celis, nulla de scientia habita mentione. Quod autem subsequenter proponitur in ratione praedicta: videlicet, quod in confirmatione, & declaratione regulæ fratribus Minorum, nonnullorum praedecessorum nostrorum, videlicet Honorii III. Gregorii IX. Innocentii IV. Alexandri IV. Nicolai IV. verba hujusmodi continentur: Hæc est regula Evangelica, &c. supra posita, usque ibi, in nudo usu facti etiam constituisse patet, prorsus obviat veritati. Honorius quidem praefatam regulam absque declaratione aliqua confirmavit, in cuius confirmatione de verbis praedictis mentio aliqua non habetur, ut liquere potest cuilibet confirmationem hujusmodi intuenti, nisi quatenus de vita Evangelica habetur mentio in ipsa regula confirmata: ibi, cum dicit: hæc est regula fratribus Minorum, vide licet Domini nostri Jesu Christi sanctum Evangelium observare, vivendo in obedientia, sine proprio, & castitate. Ex quibus verbis concludi non potest, quod per ipsum praedecessorem nostrum ea, quæ ipsi in verbis praedictis afferuntur, fuerint definita: imo potest concludi potius, quod vita Evangelica, quam Christus & Apostoli tenuerunt, habere in communi aliqua non excludat, cum fine

proprio vivere non exigat, quod sic viventes nihil habent in communi. In declarationibus quoque Gregorii, Innocentii, & Alexandri praedictorum, qui eandem regulam absque confirmatione alia declarant, similiter nulla prorsus fit mentio de praedictis: imo per eas evidenter ostenditur eorum, quæ habere licet ipsis fratribus, usum juris ad ipsum ordinum pertinere. Gregorius quidem in sua declaratione, quantum ad hoc, interseruit, quæ sequuntur: dicimus, quod nec in speciali, nec in communi debent habere proprietatem: sed utensilium, librorum, & rerum mobilium, quas licet habere, ordo usum habeat, & fratres, secundum quod Generalis minister & provinciales ordinandum duxerint, his utantur. Innocentius autem, & Alexander praefati in suis declarationibus sic dixerunt: dicimus insuper, quod cum in ipsa regula continetur expresse, quod fratres nihil sibi appropient, neque domum, neque locum neque aliquam rem, quod nec in communi, nec in speciali debent proprietatem habere: sed locorum, & domorum, & utensilium, & librorum, & eorum, quæ licet habere, ordo usum habeat, & fratres secundum quod generalis & provinciales ministri ordinandum duxerint, his utantur. Cum enim dicatur in declarationibus supradictis, quod ordo usum rerum habeat præmissarum, ad usum juris necesse est hoc referri: facta quidem, quæ singulorum sunt, personam veram exigunt, & requirunt: ordo autem vera persona non est, sed representata, & imaginaria potius est censenda: quare, quæ sunt facti, sibi vere conveniente nequeunt, licet ei possint congruere quæ sint juris. Adhuc licet declaratio Nicolai IV. praedicti contineat, quæ sequuntur: hi sunt illi sanctæ regulæ professores, qui Evangelico fundantur eloquio, vita Christi roboretur exemplo, fundatorumque militantis Ecclesiae Apostolorum ejus sermonibus, & actibus firmantur. Et post in eadem declaratione subjunxit, dicens, quod abdicatio proprietatis omnium rerum, tam in speciali, quam in communi propter Deum meritaria est & sancta, quam & Christus viam perfectionis ostendens, verbo docuit, & exemplo firmavit: quamque primi fundatores militantis Ecclesiae, prout ab ipso fonte hauserant, in volentes perfecte vivere, per doctrinæ ac vita ipsorum alveos direxerunt. Ex verbis tamen praedictis nequaquam potest colligi, quod praefatus praedecessor noster Nicolai intentio fuerit, dicere, quod dicta regula, quoad omnia, quæ continentur in ea, Evangelico fundetur eloquio, ac vita Christi roboretur exemplo: nec quod Apostolorum vita, & actibus sit firmata. Constat enim multa contineri in dicta regula, quæ nec Christus verbo docuit, nec exemplo firmavit, utpote, quod præcepit conditor regulæ fratribus universis, ut nullo modo denarium, vel pecuniam recipient per se, vel per interpositam personam, necnon & de multis aliis contentis in dicta regula: quæ utique nec Christus, nec Apostoli verbo docuerunt, nec firmaverunt exemplo. Nec obstat, quod Christus portare pecuniam Apostolis & discipulis, dum ipsos ad prædicandum mitteret, interdixit: quod tamen antequam eos mitteret, ipsis fuisse non legimus interdictum. Quodque post redditum pecuniam portaverunt, in plerisque locis Evangelica veritas, & Apostolica dicta testantur. Præterea Augustinus dicit expresse, quod illud non fuit præceptum, sed potest recipiendi necessaria ab iis, quibus prædicabant Evangelium, quam servare Apostolis licuit, vel etiam non servare. Sed hoc Romanus Pontifex prædecessor noster Nicolaus, quoad principalia tria vota, scilicet in obedientia vivere, & sine proprio, & in castitate, ac alia, si qua Evangelio reperiantur expressa, in dicta regula videtur intellexisse dicere in declaratione praedicta: quod utique declarationibus nostris in nullo obviat supradictis: adhuc non appetit ipsam dixisse sustentationem Christi,

& Apostolorum ejus in solo, & nudo simplici consistere usu facti: cum quoad Christum & Apostolos nullam præfatus praedecessor noster Nicolaus in sua declaratione fecerit mentionem: imo sensisse satis videtur expresse, quod jus aliud a proprietate habuisse poruerunt: cum de sola abdicatione proprietatis, non juris alterius, in prætata declaratione, quantum ad ipsos attinet, mentio habetur. Adhuc idem Nicolaus prædecessor noster videtur sensisse, quod Christus & Apostoli etiam quoad proprietatem habuerunt aliiquid in communi: cum enim in sua declaratione prædicta verba de abdicatione proprietatis dixisset, respondens objectioni tacite, quæ sibi de loculis, quos Christus habuisse in Evangelio legitur, poterat fieri, statim quæ sequuntur, subjunxit: nec his quisquam putet obliuere, quod interdum dicitur Christum loculos habuisse: nam sic ipse Christus, cuius perfecta sunt opera, in suis actibus viam perfectionis exercuit, quod interdum infirmorum imperfectioni condescendens in viam perfectionis extolleret, & imperfectorum infirmas semitas non damnaret: sic & infirmorum personam Christum afferit in loculis suscepisse. Alias impertinens de loculis fuisse obiectio, nisi intellexisset Christum etiam quoad proprietatem loculos habuisse. Præterea si diceretur Christum in loculis habuisse tantummodo simplicem usum facti, frustra dicetur, quod in personam infirmorum ipsos Christus habuit loculos: cum secundum eum perfectis etiam convenienter habere simplicem usum facti. Et si queratur, propter quos infirmos istos loculos habuerit? Augustinus, cuius dictum insertum est in decretis, respondet, dicens: habebat Dominus loculos a fidelibus oblata conservans, & suorum necessitaribus, & aliis indigentibus tribuebat: unde constat ipsum de suis discipulis hoc sensisse. Nec hoc scilicet in communi, & quoad proprietatem aliquam habere derogat, juxta dictum Greg. IX. praedicti, altissimæ paupertati, qui in quadam sua decretali dicit expresse, fratres Prædicatorum & Minores in altissima paupertate Christo pauperi famulari: & tamen constat ipsos Prædicatorum habere in communi etiam quoad proprietatem aliqua, quod eorum regulæ & statui non repugnat. Hoc etiam Alexander prædecessor noster praefatus in condemnatione libelli, contra statum Prædicatorum & Minorum editi, videtur sensisse, in qua aliquando de dictis fratribus, quæ sequuntur, subjunxit, cum insuper respondeat, quod iidem fratres omnia propter Deum dereliquerint, exilia vita subfida mendacientes, Christumque imitentur pauperem, perfectionem Evangelicam amplexando: propter quod evidenter appareret eos non solum in statu salvandorum existere, sed etiam perfectorum, & per suæ religionis observantium, quæ quidem ipsius perfectionis Evangelica tenet formam, in aeternæ retributionis præmio præcellentem gloriam promereret, ubi quidem expresse dicit, Prædicatorum Christum pauperem imitari, ipsosque perfectionem Evangelicam amplexari, & in statu existere perfectorum, quodque ipsorum religionis observantium perfectionis Evangelica tenet formam, & tamen constat ipsos habere posse etiam quoad proprietatem aliqua juxta eorum regulam in communi. Nec obstat, quod dicunt, Innoc. (alias Celestium) V. prædecessorem nostrum dixisse, altam paupertatem esse, habere pauca propria propter Deum: altioram, quæ nulla habet propria, tamen habet in communi: altissimam, quæ nihil habet in hoc mundo, nec in proprio; nec in communi: dicimus quidem quod hoc dixerit, non ut Papa, sed ut frater Petrus de Tarantasia in quadam Postilla sua, quæ dicta præmissorum summorum Pontificum, sunt ei merito præferenda. Dicunt etiam, quod Apostolus de tali altissima loquitur paupertate, dicens: Et altissima paupertas eorum abundavit in divitis simplicitatis eorum: quod evidenter est falsum: quia ibi loquitur de paupertate

a al. ita: & Augustin. de doctrina Christiana tenet, &c. b Nota texum bene. & quis dicitur hereticus, vide gloss. Clement. 1. de usu c. hereticus. 24. quest. 3. & Joann. de Turrecrem. lib. 4. part. 1. c. 2. Fons.

quod abdicationis juris in cuiuscunque rei proprietate, & in usu eius est sancta, & meritoria propter Deum, & a Christo in seipso servata, Apostolis imposita, & ab ipsis sub voto assumpta: nec propter hoc usus facti ad sustentationem naturae in Christo, & Apostolis convincitur esse non justus: sed tanto justior atque perfectior, & Deo acceptior, & mundo exemplarior, quanto plenius renunciatum fuerit omni juri, per quod potest sic utens pro usu hujusmodi quomodolibet contendere, vel in iudicio litigare. Quæ quidem assertio continet multa falsa: cum neque Christum expropriationem predictam omnium juris in cuiuscunque rei proprietate, & in eius usu in se servasse, nec eam imposuisse Apostolis, neque sub voto ab ipsis fuisse receptam, Evangelica seu Apostolica doceat historia, sed contrarium evidenter manifestat. Quod autem in predicta assertione adjicetur, quod per abdicationem juris predicatori, videlicet proprietatis, is usus facti ad sustentationem naturae in Christo, & Apostolis non convincitur esse non justus, sed tanto justior, &c. impossibilitatem includit, & errorem dictum hujusmodi evidenter. Impossibile enim est actum humanum extrinsecum esse justum, si exercens actum ipsum nullum jus habeat illum exercendi: immo non justus, seu injustus necessario convincitur talis usus. Item est absurdum, & erroneum, quod actus aliquis non habentis jus actum hujusmodi faciendo, sit justior & Deo acceptior, quam habentis, cum concludat actum injustum justorem, & Deo acceptiorem existere, quam sit justus. Ex præmissis autem inferre nituntur (ut fertur) quod predicatorum summorum Pontificum definitio, quam definiunt de paupertate Christi, & Apostolorum, ac fratum Minorum predicatorum regula (prout superius expresserunt) per nos non potuit mutari, proculdubio falsa assertunt, dicendo prædecessi nostros definivisse talia, ut superius est probatum, & adhuc sic loquentes, dum per talia constitutiones nostras impugnare satagunt, constitutiones illas, quibus se adjuvant, ostendunt, (si eorum falsa assertiones verae existerent) fore invalidas, erroneas & infirmas. Si enim nobis non licuit contra constitutionem Nicol. IV. prædecessi nostri, in qua se fundant præcipue, aliquid statuere commune, nec sibi licuit contra statuta Gregor. Innoc. & Alexandri predicatorum statuere, aut aliquid declarare, quod tamen ipsum fecisse [secundum eorum assertione] noscitur evidenter: cum enim illi declaraverint, quod ordo Minorum habet usum earum rerum, quas licet eis habere, quod ad usum juris est referendum necessario, ut superius est probatum: ipse vero secundum ipsos statuit, quod nec ordo, nec fratres ius utendi habeant, sed tantummodo simplicem usum facti: & insuper ordinavit, decrevit & statuit hujusmodi constitutionem, ordinacionem, & declarationem suam duntaxat a fratribus ipsi præcisa, & inviolabilitate perpetuis temporibus observandam: constat non solum, quod contra declarationes prædecessi predicatorum ordinaverit, sed ipsum illas, quantum ad ea, quæ sua declaratio continet, etiam revocasse. Ipse quoque prædecessor noster in sua declaratione subiungit, ad fidis Apostolica declarationem, & ordinationem eorum, & circa ea, quæ ipse declaraverat, pertinere, sic dicens: si quid in predicitis ambiguitatis emerget, hoc ad culmen sedis Apostolica deducatur, ut ex auctoritate Apostolica sua in hoc manifestetur intentio, cui solum concessum est in his statuta condere, & condita declarare: cuius tamen contrarium assertunt hujusmodi assertores. Adhuc patet, quod assertunt, esse falsum: licet enim Innoc. III. predictus in generali Concilio interdictisset novas religiones institui, tamen successores ipsius [non obstante interdicto hujusmodi] plures leguntur ordines confirmasse, qui etiam (aliquibus exceptis) fuerunt postea per Gregor. IX. prædecessorem nostrum dissoluti certo modo in Concilio generali. Ad conditorem canonum, supradictam infra-

summis Pontificibus non confirmatos ordines confirmare, & eorum successoribus sic confirmatos in totum dissolvere, non est mirum, si quod declarat circa regulas ordinum solus summus Pontifex, vel ordinatus, licet ejus successoribus declarare, seu alias immutare. Patet autem, quod neque Honori confirmatio, neque Gregorii, neque Alexandri, neque Nicolai predicatorum facta fuerit in Concilio generali, cum per nullum ipsorum fuerit generale Concilium celebratum, licet Innoc. IV. celebravit Concilium generale, tamen in illo, nec auctoritate alicuius Concilii facta fuit ipsius declaratio supradicta. Nicolaus autem IV. nec celebravit generale Concilium, nec aliquid circum dictam regulam declaravit. Gregorius autem IX. predictus nec confirmavit, nec declaravit dictam regulam: sed in generali Concilio, ubi cassati fuerunt nonnulli mendicantium ordines, dictorum fratum Minorum, & Predicatorum ordines non cassavit, sed afferuit approbatos, sic dicens: ad eos, quos evidens ex eis utilitas Ecclesiae universalis proveniens perhibet approbatos, praesentem non patimur constitutionem extendi. Præterea dicunt nobis, ubi legunt assertiones hujusmodi, quod ad fidem, vel mores pertineat, Christum, & Apostolos non habuisse in his, quæ habuerunt, nisi simplicem usum facti: profecto directe hoc ad fidem non pertinet, cum de hoc articulus non sit alius, nec sub quo valeat comprehendendi, ut patet in symbolis, in quibus articuli fidei continentur: nec etiam reducte, ne quasi hoc sacra Scriptura contineat, quo negato tota Scriptura sacra redditur dubia: & per consequens articuli fidei, qui habent per Scripturam sacram probari, redditur dubii & incerti, hoc enim in Scriptura sacra non poterit, sed contrarium reperi. De fratribus autem Minoribus predictis constat, quod de ipsorum paupertate, & simplici usu facti, seu de dominio eorum, quæ ipsis offeruntur, quod summus Pontifex illud sibi, & Romana Ecclesia reservaverit, vel potuerit reservare, nec quod illud reservatum successori abdicere non licet, si hoc expedire viderit, seu quod procuratores constitutos auctoritate summi Pontificis pro negotiis ordinis predicatorum successor revocare non valeat, in predictis symbolis, Evangelio, neque actibus Apostolorum, & epistolis mentio aliqua non habetur. Unde non possunt ex predictis concludere, nisi falso, quin contra ordinata per summos Pontifices circa talia valeat successor aliud ordinare: quod Nicolaus præfatus expresse in sua declaratione inferuit, ut superius plenius continetur. Nos itaque, ne fabricatores mendaciorum hujusmodi, ac etiam assertores de tam pestifera, erronea, & damnata doctrina, confutatione, ac confusione utique omni digna, gloriari valeant, & alios trahere in errorem, cum aula arreptando, ac petulantia in probata ausi defendere publice fuerint damnata per constitutionem predictam heresim, ac etiam probare, videlicet quod Christus, & ejus Apostoli in iis, quæ habuerunt leguntur, tantum habuerint absque jure aliquo similem usum facti, ex quo (si verum esset) sequeretur usum Christi fuisse non justum, quod profecto blasphemiam continet, & est catholicæ fidei inimicum, cum hoc de pertinaci animoitate, ac errore non sit dubium processisse: omnes & singulos, qui verbo ac scripto per se vel alium seu alios talia publice præsumperunt, ipsos quoque, qui eos docuerunt in talibus, & ut præmissa facerent, in damnata incidisse heresim, ac ut hereticos evitados fore, de fratribus nostrorum consilio declaramus. Si quis autem damnatas per constitutionem, Cum inter predictam, heres, vel ipsorum alteram, deinceps scienter verbo, vel scripto defendere, vel approbare præsumperit, de fratribus eorumdem consilio decernimus, ut tanquam hereticus ab omnibus evidenter habeatur. Adhuc quod constitutionem

no ausu impugnare nisi sunt (sicut fertur) districtus de vero contra præsumperit, tanquam contumax, & rebel-
corundem fratum consilio inhibemus, ne quisquam contra definita, ordinata, seu facta per ipsum verbo, vel &c. Data Avenion. IV. Idus Novembris, Pontificatus no-
scripto scienter approbet aliquid, vel defendat. Si quis stri Anno 9.

CONSTITUTIONUM VIGINTI JOANNIS XXII. FINIS.



EXTRAVAGANTES COMMUNES

A

DIVERSIS ROMANIS PONTIFICIBUS POST SEXTUM EDITÆ, CUM SUIS (UT VOCANT) SUMMULIS.

TITULUS I.

DE CONSUE TU DINE.

CAP. UN.

Confuetudo impediens, ne Legati sedis Apostolica recipiantur, non valeat: & illa non obstante Legati ipsi sunt ab omnibus recipiendi, & eos impediens ipso facto excommunicationem incurrit, & eorum terræ Ecclesiastico subiiciuntur interdicto.

Joannes XXII. [Anno 1318. Rome.]

Super gentes, & regna Romanus Pontifex a Domino constitutus, cum personaliter singulas regiones circum non possit, nec circa gregem sibi creditum curam pastoralis sollicitudinis exercere: necesse habet interdum ex debito imposita servitutis, suos ad diversas mundi partes (prout necessitates emergerint) destinare Legatos, qui vices ipsius supplendo errata corrigant, aspera in plana convertant, & commissis sibi populis salutis incrementa ministrent. Veruntamen aliqui hujusmodi officium, & potestatem ipsius Romani Pontificis, quam non ab homine, sed a Deo recepit, sub suo arbitrio redigere molientes, Legatos ipsos, nisi ab eis petiti fuerint, vel de beneplacito eorum transmissi, sibi terras subjectas [di-]centes hoc eis de consuetudine competere] ingredi non permittunt. Nos hujusmodi consuetudinem, non tam irrationabilem, quam nonnunquam animarum saluti contraria, detrahentemque Apostolicæ potestati, auctoritate Apost. penitus reprobantes, Legatos ipsos ab omnibus, cuiuscunque præminentia, conditionis, aut status fuerint, debere admitti decernimus: nec eos prætextu cuiusvis consuetudinis impediri posse a quoquam Christiano nomine glorianti, quo minus regna, provincias & terras quaslibet, ad quæ ipsos destinari contigerit, ingrediantur libere, ac commissæ sibi legationis officium exceant in eisdem.

Qui vero de cætero super predictis dictos Legatos, aut etiam Nuntios, quos ad quascunque partes pro causis quibuslibet sedes ipsa transmisit, præsumperint impi- dire, ipso facto sententiam excommunicationis incurrit. Regna, terræ, & loca quilibet subjecta eisdem, tamdiu fint eo ipso Ecclesiastico supposita interdicto, quamdiu in hujusmodi contumacia duxerint persistendum. Non obstantibus quibuslibet indulgentiis, aut privilegiis, Imperatoribus ac Regibus, seu quibusunque alii sub quibusunque modis, tenoribus, & formis a sede ipsa concessis, quæ contra præmissa nullis volumus suffragari.

TITULUS II.

DE POSTULATIONE P R E L A T O R U M .

Minores XXVII. annis seculares, & mendicantes religiose ad certas Ecclesias prohibentur postulari: & puniuntur tam postulantes, quam postulati.

Joannes XXII.
Dispendiis, & periculis variis, quæ ex subscri- ptis postulationibus possent Ecclesias evenire, & vacationum diuturnitatibus, quæ consueverunt nonnunquam ex postulationibus irrationalibus provenire, ac dispendiis, quæ inde frequenter Ecclesie incurruant, ad futuram rei memoriam obsertere cu- pientes: illum, qui vigesimum septimum non attigerit annum, ad cathedralem, necnon professorem cuiusvis mendicantium ordinis ad inferiores cathedralibus Ecclesias, ad monasteria extra suos ordines postulare edicto per- petuo prohibemus. Quod si secus postulatum fuerit, & attentatum, irritum ac nullius penitus sit momenti. Et qui scienter processerint ad eandem, ea vice postulandi ac